



Komunikado pa prensa

19 di yùni 2019

Cft: 'Kòrsou ta pará dilanti di un tarea formal'

Willemstad – E déficit di Kòrsou pa 2018 di ANG 53 mion ta menasá di oumentá, i yega na un nivel substansialmente mas haltu ku e loke a keda premirá te resientemente. Ku mira riba kontratempu finansiero, e Kolegio di supervishon finansiero Kòrsou i Sint Maarten (Cft) ta tene kuenta ku un déficit di mas di ANG 100 mion pa 2019. Cft ta konstatá ku Kòrsou ta dal e pasonan pa mehorá kobransa di impuesto. Al mismo tiempo medidanan efektivo pa redusí gastu ketu bai no a tuma lugá. Redukshon di gastu ta nesesario i urgente, tantu pa baha e déficitnan kuantioso, komo pa manehá e riesgonan di e kantidat di divisa di Kòrsou, kual ta menguando.

E ekonomia di Kòrsou ya pa algun aña ta kontraé. E situashon na Venezuela ta okashoná esaki, pero e hecho ku reforma ekonómiko struktural a keda sin tuma lugá, tambe ta stroba kresementu di e ekonomia di Kòrsou. Gobièrnu di Kòrsou ta gasta di mas – e gastunan total di e sektor kolektivo ta monta te un kantidat di no ménos ku 51% di produkto interno bruto (GDP) – i Kòrsou aktualmente ta den e situashon preokupante i ademas no sostenibel di kontrakshon ekonómiko, déficit riba kuenta koriente i déficit riba e presupuesto gubernamental. E pais ta pará dilanti di e tarea formal di pone òrdu den su finansa i ehekutá reforma ekonómiko. Gobièrnu di Kòrsou, doñonan di trabou i sindikatonan tin e responsabilidadat konhunto di sòru di ehekutá e tarea aki.

Cft ta ferwagt ku komo konsekuensia di e kontratempunan, e déficit di 2019 por sigui subi i yega te mas ku ANG 100 mion. Medidanan ku a keda mensioná anteriormente i ku tin komo meta pa redusí e déficit, manera e paro na obligashonnan nobo i e medida di supervishon previo, a resultá di no ta sufisientemente efektivo. E mehora den maneho finansiero tambe a keda atras. Kòrsou no por warda mas largu pa duna atenshon direkto i permanente na tumamentu di medida pa trese òrdu den e finansa i redusí e gastunan di gobièrnu. Redukshon di gastu no ta solamente nesesario pa baha e déficitnan i evitá ku e debe ta sigui krese; e ta kontribuí tambe na mehora di e situashon vulnerabel di e divisanan di Kòrsou, kual ta birando ménos.

Durante di e bishita di Cft na Kòrsou a papia tokante di e urgensia ku kua lo mester ehekutá e diferente medidanan. A dediká atenshon spesial na e medidanan dirigí riba kontené e gastunan den salubridat públiko i di penshon di behes, ya ku den e añanan benidero por ferwagt déficitnan den e fondonan sosial, ku lo bai akumulá rápidamente. Cft tambe ta preokupá pa e gastunan di e hòspital nobo HNO. Cft ta pidi Kòrsou pa tuma e medidanan ku ta nesesario pa evitá ku e gastunan di salubridat públiko ta subi innesesariamente. Pues tantu kontené e gastunan di transishon i finansiamentu di HNO, komo realisá ekonomisashon den salubridat.

Na òktober 2018 Kòrsou a hasi e palabrashon ku Cft pa mehorá e maneho finansiero i traha pa logra realisá un deklarashon aprobatorio di akountent pa e kuenta anual di 2021. Ehekushon di e trayekto di mehora aki ta kayendo atras i mester traha riba dje ku determinashon.

Cft a hasi un bishita na Kòrsou di 17 te ku 19 di yùni i a hiba kòmbersashon ku Gobernadó, minister di Finansa, Konseho di Minister, e Komishon Finansiero di Parlamento, Refineria di Kòrsou, e partnernan sosial (VBC, Kámara di Komersio i e sentralnan di sindikato), Servisio di Impuesto i Banko di Seguro Sosial.



[Fin di Komunikado di prensa]

Fotógrafo:

Berber van Beek

Teksto pa foto:

Redukshon di gastu ta nesesario i urgente.

Nota pa redakshon– no pa publikashon

Persona di kontakto na Cft:

Sekretariado Kolegio di supervishon finansiero
Koert van Buiren – Sekretario interino
Telefon (+5999) 461-9081
Email info@cft.cw
Internet www.cft.cw

Persona di kontakto pa Prensa:

Jefka Martina
Telefon (+5999) 512-6861